

ÁKVÖRÐUN FRAMKVÆMDASTJÓRNARINNAR

frá 5. desember 1997

um aðferð til að staðfesta samræmi byggingarvara samkvæmt 2. mgr. 20. gr. tilskipunar ráðsins 89/106/EBE að því er varðar varanlegt mótauppsláttarkerfi sem ekki er burðarvirki og í eru notaðir holsteinar eða plötur úr einangrunarefnum og stundum steinsteypa(*)

(98/279/EB)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 89/106/EBE frá 21. desember 1988 um samræmingu á lögum og stjórnsýslufyrirmælum aðildarríkjanna um byggingarvörur ⁽¹⁾, eins og henni var breytt með tilskipun 93/68/EBE ⁽²⁾, einkum 4. mgr. 13. gr.,

og að teknu tilliti til eftirfarandi:

Þegar staðfesta á samræmi vöru skal framkvæmdastjórnin velja á milli aðferðanna tveggja sem kveðið er á um í 3. mgr. 13. gr. í tilskipun 89/106/EBE og ætíð velja „auðveldustu aðferðina af þeim sem samrýmast öryggissjónarmiðum“. Þetta merkir að nauðsynlegt er að ákveða, með tilliti til ákveðinnar vöru eða vöruflokks, hvort framleiðslustýringarkerfi í verksmiðju, sem framleiðandi ber ábyrgð á, er nauðsynlegt og fullnægjandi skilyrði fyrir staðfestingu á samræmi eða hvort þörf er á afskiptum viðurkennds vottunaraðila af ástæðum sem varða viðmiðanirnar í 4. mgr. 13. gr.

Samkvæmt 4. mgr. 13. gr. skal aðferðin, sem þannig er valin, tilgreind í umboðunum og tækniforskriftunum. Því er æskilegt að nota sömu skilgreiningu á hugtakinu vörur eða vöruflokkar og notuð er í umboðunum og tækniforskriftunum.

Aðferðunum tveimur, sem kveðið er á um í 3. mgr. 13. gr., er lýst ítarlega í III. viðauka við tilskipun 89/106/EBE. Því er nauðsynlegt að tilgreina með skýrum hætti, með hliðsjón af III. viðauka, hvernig þessum tveimur aðferðum skuli beitt að því er varðar hverja vöru eða vöruflokk þar eð ákveðin kerfi eru tekin fram yfir önnur í III. viðauka.

Aðferðin, sem um getur í a-lið 3. mgr. 13. gr., svarar til kerfanna sem eru tilgreind í fyrsta kosti, án stöðugs eftirlits, og öðrum og

þriðja kosti í ii-lið 2. þáttar III. viðauka og aðferðin, sem um getur í b-lið 3. mgr. 13. gr., svarar til kerfanna sem eru tilgreind í i-lið 2. þáttar III. viðauka og í fyrsta kosti, með stöðugu eftirliti, í ii-lið 2. þáttar III. viðauka.

Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um byggingarmál.

SAMÞYKKT ÁKVÖRÐUN ÞESSA:

1. gr.

Staðfesta skal samræmi vara, sem eru tilgreindar í I. viðauka, með aðferð þar sem gert er ráð fyrir, til viðbótar við framleiðslustýringarkerfi í verksmiðjunni sem framleiðandi starfrækir, þátttöku viðurkennds vottunaraðila við mat og eftirlit með framleiðslustýringunni eða vörunni sjálfri.

2. gr.

Í umboðum fyrir evrópskt tæknisamþykki skal tiltekið hvaða aðferð skuli notuð til að staðfesta samræmi samkvæmt II. viðauka.

3. gr.

Ákvörðun þessari er beint til aðildarríkjanna.

Gjört í Brussel 5. desember 1997.

Fyrir hönd framkvæmdastjórnarinnar,

Martin BANGEMANN

framkvæmdastjóri.

(*) Þessi EB-gerð, sem birtist í Stjtið. EB L 127, 29.4.1998, bls. 26, var nefnd í ákvörðun sameiginlegu EES-nefndarinnar nr. 5/1999 frá 29. janúar 1999 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá þessa útgáfu af EES-viðbæti við *Stjórnartíðindi Evrópubandalaganna*.

⁽¹⁾ Stjtið. EB L 40, 11. 2. 1989, bls. 12.

⁽²⁾ Stjtið. EB L 220, 30. 8. 1993, bls. 1.

I. VIÐAUKI

Varanlegt mótauppsláttarkerfi sem ekki er burðarvirki og á að fylla með venjulegri steinsteypu og, eftir atvikum, með járnbindingu, byggt annaðhvort á holsteinum úr einangrunarefni (eða bæði einangrunarefni og öðrum efnum) eða plötum gerðum úr einangrunarefni (eða bæði einangrunarefni og öðrum efnum) og samsett af mótaflekum sem settir eru saman með mótatengjum, í báðum tilvikum efni úr öllum flokkum að því er viðbrögð við bruna varðar, til notkunar þegar reistir eru í byggingum útveggir og innveggir sem heyra undir brunamálareglugerðir.

Varanlegt mótauppsláttarkerfi sem ekki er burðarvirki og á að fylla með venjulegri steinsteypu og, eftir atvikum, með járnbindingu, byggt annaðhvort á holsteinum úr einangrunarefni (eða bæði einangrunarefni og öðrum efnum) eða plötum gerðum úr einangrunarefni (eða bæði einangrunarefni og öðrum efnum) og samsett af mótaflekum sem settir eru saman með mótatengjum, í báðum tilvikum efni úr öllum flokkum að því er viðbrögð við bruna varðar, til notkunar þegar reistir eru í byggingum útveggir og innveggir sem ekki heyra undir brunamálareglugerðir.

II. VIÐAUKI

VÖRUFLOKKUR

**VARANLEGT MÓTAUPPSLÁTTARKERFI SEM EKKI ER BURÐARVIRKI OG Í ERU
NOTAÐIR HOLSTEINAR EÐA PLÖTUR ÚR EINANGRUNAREFNUM
OG STUNDUM STEINSTEYPA (1/1)**

Kerfi til staðfestingar á samræmi

Fyrir þær vörur og þau áformuðu not, sem getið er hér á eftir, eru Evrópusamtök um tæknisamþykki (EOTA) beðin að tilgreina eftirfarandi kerfi til staðfestingar á samræmi í viðeigandi viðmiðunarreglum um evrópskt tæknisamþykki:

Vara/vörur	Áformuð not	Stig eða flokkur/ flokkar (viðbrögð við bruna)	Kerfi til stað- festingar á samræmi
Varanlegt mótauppsláttarkerfi sem ekki er burðarvirki og á að fylla með venjulegri steinsteypu og, eftir atvikum, járnendingu, byggt annaðhvort á:			
- holsteinum úr einangrunarefni (eða bæði einangrunarefni og öðrum efnum)	til notkunar þegar reistir eru í byggingum útveggir og innveggir sem heyra undir brunamálareglugerðir	A(*), B(*), C(*) A(**), B(**), C(**) A(***) D, E, F	1 2+
eða			
- plötum úr einangrunarefni (eða bæði einangrunarefni og öðrum efnum), samsett af mótaflekum sem settir eru saman með mótatengjum	til notkunar þegar reistir eru í byggingum útveggir og innveggir sem ekki heyra undir brunamálareglugerðir	allir	2+

Kerfi 1: Sjá i-lið 2. þáttar í III. viðauka við tilskipun 89/106/EEB, án úttektarprófunar á sýnum.

Kerfi 2+: Sjá fyrsta kost í ii-lið 2. þáttar III. viðauka tilskipunar 89/106/EEB, þar með talin vottun samþykks aðila á framleiðslustýringu í verksmiðju á grundvelli fyrstu skoðunar á verksmiðju og á framleiðslustýringu í verksmiðju sem og stöðugs eftirlits, mats og samþykkis á framleiðslustýringu í verksmiðju.

(*) Vörur úr efnum sem geta breyst með tilliti til viðbragða við bruna á meðan á framleiðsluferlinu stendur hvað nothæfi varðar.

(**) Vörur úr efnum sem breytast ekki með tilliti til viðbragða við bruna á meðan á framleiðsluferlinu stendur hvað nothæfi varðar.

(***) Vörur úr efnum úr flokki A sem samkvæmt ákvörðun 96/603/EB þarf ekki að prófa með tilliti til viðbragða við bruna.

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi tiltekins eiginleika, þar sem ekki hafa verið gerðar neinar lögboðnar kröfur um viðkomandi eiginleika í minnst einu aðildarríki (sjá 1. mgr. 2. gr. byggingarvörutílskipunarinnar og, eftir atvikum, lið 1.2.3. í grunnskjölnum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnum.